



**EUVOKO LYELUNDULUKO
LYONKALO YOMBEPO:
Okambo komauyelele kaakalimo
yomOmusati**



Eigililo lyokututula koshiyelekitho iitopolwa mbi hayi mono omvula onshona



OSHIKALIMO

Elunduluko lyonkalo yombepo oshike nohal i etithwa koshike?	1
Elunduluko lyonkalo yombepo niilanduli yalyo moNamibia	2
Okwiigilila elunduluko lyonkalo yombepo oshike nomolwashike lya pumbiwa?	3
Okwiigilila elunduluko lyonkalo yombepo moNamibia.....	5
Ehumithokomeho lyeilongo oshike?	7
Ehumithokomeho :okutengeneka omathimbomuvu	9
Ehumithokomeho lyeilongo: Okufutila omatengeneko	11
humithokomeho lyeilongo: Olweendo Iwoshihakanwa	13
Ehumithokomeho lyeilongo: Ethigathano lyuunafaalama	14
Omalunza	15

Elunduluko lyonkalo yombepo oshike?

Elunduluko lyombepo ompyu nontalala nosho wo lyomvula, ndyoka twa koneke notu li uvite kehe esiku, olyo onkalo yombepo yopakathimbo (weather). Nena otashi vulika ku kale kwa pupyala noku na etango, ngula otashi vulika ku kale talala noku na oshimuke! Onkalo yombepo yethimbo ele (climate), oshinima shi ili – osho uukwatyat wombepo ndjoka hayi kala pehala uule wethimbo lyontumba, nohawu metwa moshikakothimbo shomimvo omulongo nenge dhi vule po. Onkalo yombepo ohashi vulika wo yi kale onkalo yoshito yopothinge paku yi yelekanitha nonkalo yopokufu, nenge eyoolokathano lyonkalo yombepo yomumvogu noyonuumvo.

Elunduluko lyonkalo yombepo, olyo elunduluko lyuukwatyankalo wombepo woshito wehala. Oshiholelwa, omimvo omishona dha piti omvula yotango yomumvuo otashi vulika yi tameke okuloka muJanuali, omanga kuitopolwa yimwe otashi vulika omvula yi loke muMaalitsa. Pomahala mpoka aantu haya kala nuupyundjele wa shiga ko woo-30° pokwenye, otashi vulika omasiku ga kale ga pupyala shi vulithe shito.



Oshike hashi etitha elunduluko lyonkalo yombepo?

Monkalo yombepo yEvi, omwa kala aluhe omalunduluko gopanshitwe. Aantu mboka yi ilonga evi oya koneke kutya, monakuziwa okwa li omathimbo omale uuna evi hali kala lya talala, nenge lya pupyala, shi vulithe ngaashi shi li ngashingezi. Nando ongawo, omimvo 100 dha piti, aantu oye etitha onkalo yombepo yEvi yi lunduluke meendelelo, shi vulithe nale.

Shika oshe etithwa keindjipalo lyaantu ndyono lya koko meendelelo. Aantu ayeho mbano oya pumbwa iikulya, omeya, oonkondo, evi, omagumbo, ilonga, iiyenditho nomayakulo gopampumbwe. Okutsakanitha po oompubwe ndhoka, onzo odhindjidhindji dhopanshitwe (ngaashi omiti, omeya gondjendje, oohi,

omakalamanya, niiyela) otayi kuthwa mo mevi, nevi olindji otali longithwa po muunamapya nomokutunga oondjila/oopate, oondoolopa niiland. Ilinima ayihe mbika oya pumbwe oonkondo, ndhoka aantu haye dhi mono miikuni, momakalamanya, momahooli nomomuku gwopanshitwe.

Manga nduno ayihe mbyoka yi li oonzo dhiikwa niipangitho yiikwankondo, oyi li wo eyonagulo lyomudhingoloko nolyonkalonawa yomuntu. Ohadhi gandja omiku dha nika oshiponga, ndhoka hadhi yenyek ewangandjo uulethimbo, nokweetitha elunduluko lyonkalo yombepo.

Onkalo yombepo yaNamibia ohayi lunduluka ngiini?

Aantu mboka yi ilonga elunduluko lyonkalo yombepo, oya koneke kutya onkalo yombepo yaNamibia oya tameke okuninga ompyu noya kukuta, muule womimvo 100 dha ka pita. Oyu ulike wo kutya momimvo tadhi ka landula, otashi vulika onkalo yombepo moNamibia, yi ka kale ya londa pombanda shi vulithe shito, omanga omvula tashi vulika yi ka kale onshona. Uukwatyanganakalo wombepo nawo wo otawu lunduluka, kakele ashike kutya elunduluko lyombepo inali yela mo nawa natango. Nando ongawo, shono sha yela osho shoka kutya onkalo yombepo otayi kala kaayi shi okwiinekelwa.

Oshiholelwa, nando tashi vulika ku kale omuloka omushona, omvula ndjoka tayi ka loka otashi vulika yi loke aysihe muule wethimbo efupi, notayi etitha efundja. Nenge, uuna aanafalama ya longekidhila omapya gawo, omvula otashi vulika yi kale inaayi loka uule woomwedhi odhindji, nenge nokuli womimvo. Omalunduluko ngaka oga hala okutya, iilonga yopaunafaalam aantyi yi ikuta muyo monakuziwa itayi ka longa we nawa monakuyiwa. Sha hala okutya, omikalo dhimwe otadhi ka ka kala kaadhi na naanaa we oshilonga mongashingezi, oshoka elunduluko lyonkalo yombepo oli li metifa nale nokuli.

Elunduluko lyonkalo yombepo oli na iilanduli yini muNamibia?

Eindjipalo lyuupyu nuatalala, osho wo (eshopalo?) lyomvula, lyakashonanakashona muule woshikakothimbo otashi vulika li etithe eteyo lyiikunwa lya nkundipala, oshoka otashi vulika itaayi ka opalela oonkalo ndhoka oondhigu. Shika osha hala okutya itaku ka kala iikulya ya gwanena okuliwa kaanegumbo, nenge itaayi gwana we okufalwa komahala gomalandithilo. Epupalo lyombepo lya shiga ko otashi vulika li gandje uypyu unene niyenyu miinamwenyo, nokweetitha iipuka/iilumathi oyindji. Oombepo dhomapukupuku otashi vulika dhi hanagule po iikunomwa, omanga ombepo onshona yi etithe kutya aantu mboka haya mono omeya okuziilila moomboola kaaya mone omeya.

Uuna oluteni lwa holoka po, iinamwenyo otayi kala kaayi na omeya gokunwa ga gwana, notashi vulika yi se po, omanga aantu taya kala kaye na omeya ga gwana gokunwa, gokutelekittha nenge goyoya nokwiyyoga. Uuna taku popiwa omeya itaaga gwanene, osha hala wo okutya evi nalyo otali kushu, oshoka

mulyo omu na owala oshimuke oshishona lela. Shika ohashi etitha opo iikunomwa yi se po, nohashi etitha eshonopalo lyiikulya yaantu nolyomwiidhi gwiinamwenyo. Olwindji oluteni ohalu landulwa kefundja. Shika ohashi holoka, oshoka uuna evi lya kalanda nolya kukuta, omeya itaga hiti we nuupu mulyo. Uuna omvula yepoola ya holoka, mbalambala omeya ohaga kungulula po evi ekukutu nokuyonagula epya. Efundja ohali yonagula po wo omagumbo, omatungo, oopate, nohashi etitha eopaleko lyayo li pule iimaliwa oyindji. Molwashoka kapu na iikwatelwa ya gwana (ngaashi (oondama nenge ootenga dhomeya) yokukwata omeya noku ga pungula, omeya ohaga talama miishana. Uuna omeya ngoka ga kala ethimbo nuule ga talama, ohaga nigile, taga etitha omikithi, nokutaandelitha omavu.

Okwiikilila elunduluko longhalo yomhepo oshike?

Okwiikilila elunduluko longhalo yomhepo oshitya sha tambulwa notashi ti okupondola mokukwandjanga nomashongo elunduluko longhalo yomhepo "mokulundulula" omikalo "nokwiikilila" onghalamwenyo, omikalo dounafaalama, nelongifo ledu okuungaunga nomalunduluko oo a teeelwa.

Eikililo otali lalakanene okuninipika eemhito dii nokuwedela epondolo lovanhu va dule okwiikilila, unene tuu ovo ve likolelela nohava hupu mounamapya nounaimuna. Osha itavelwa kutya, ngeenge

itaku ikililwa, onghalamwenyo otai nghundipala neenghono omanga ngee itaku kendabalwa okwiikilila onghalamwenyo iwa otai dulu okuhangwa nomonghalo idjuu yonghalo yomhepo oyo ya teeelwa.

'Okwiigilila' elunduluko lyonkalo yombepo osha hala okutya, omukalo ngoka tatu ningi iinima, opo tu wape okuungaunga noonkalo dhombepo ndhoka inaatu igilila, nokwiilongekidhila iiningwanima iidhigu, ngaashi omaluteni nomafundja

Omolwashike elundululo la pumbiwa?

Ngaashi naanaa ovanhu have lipyakidile nomafundja noikukuta ngaashi hai holoka, ova longifa yo eemhangela deikililo delikolelela keedjo nokeshiivo nokounongo wavo ukulu kombinga yelihumbato longhalo yomhepo loulefimbo. Eemhangela dopaife dokupondola oda kwatela mo epungulo loilya (omahangu ile oilyavala) momaanda omolwelangifo monakwiiwa, unene pomafimbo madjuu, nosho yo okutembulila oimuna keehambo ile keenhele dopakafimbo oko taku monika oulifilo.

Ashike, eemhito odo inadi wana vali okupondola oilanduli yefimbo lile yelunduluko longhalo yomhepo. Oshinima osho naanaa shi li ngaho, unene eshi tu na oshiwana tashi hapupala neendelelo. Eikililo ola pumbiwa okwiimba enyonauko olo tashi dulika li etifwe koilanduli yelunduluko longhalo yomhepo. Mokwiikilila, omatilifo oundjolowele wovanhu, ependukepo lemona, eliko, etungapalo nekwatelafanepo loushitwe otai dulu okuninipikwa. Eemwenyo otadi dulu okuxupifwa noifuta molwelunduluko longhalo yomhepo otai dulu okuholwa.



Okwiigilila elunduluko lyonkalo yombepo moNAMIBIA

Longitha uuyelete okuziililila montengeneko yonkalo yombepo nokomalondodho gokuyele

Etengeneko lyonkalo yombepo ohali gandja uuyelete wa kankamekelwa konkalo yombepo yesiku, yoshiwike, yomwedhi nenge yomumvo nkene tayi ka kala ya tya. Etengeneko lyonkalo yombepo yethimbo efupi ohashi vulika yi kwathe aanafaalama, opo ya ninge omatoko gesiku nesiku. Omatengeneko gomathimbomumvo oge na ekwatho enen, oshoks ohaga kwathele aanafaalama okutokola kutya otaya kunu omaludhi giikunwa yinipo omumvo ngoka, nokulongekidha ethimbo lyokukuna, nethimbo lyokuteya.

Omalondodho gokuyele oga simana oshoka ohaga kwathele aanafaalama, opo yi ilongekidhile omaluteni, omafundja nomapepo gamapukupuku.



Eyoolkathano lyiinamwenyo

Ngele otashi vulika, aanafaalama naya kale nomaludhi giinamwenyo ya yoolokathana (hol. okumuna niikombo, noonzi nonoongombe dha yoolokathana), unene tuu mbyoka ihaayi tila omayooloko gonkalo yombepo.



Eyoolkathano liikunomwa

Ngele omunafaalama okwa kunu iiikunomwa yoluudhi lumwe e tayi kala inayi koka nawaa, nena otapu kala ompumbwe yiikulya yaantu noyiinamwenyo, osho wo yokulanditha. liikunomwa oya pumbwa okukunwa pamaludhi ga yoolokathana, opo yi kwathelathane, uuna shimwe shomuyo sha ponyo. Omaludhi giikunomwa naga kwatele mo mbyoka ihaayi tila oluteni.



Okupungula iilya niikulya yiinamwenyo

Uuna ku na eteyo ewanawa, oshigandhi sha gwedhwa po, niikulya yiinamwenyo nayi pungulwe, mokwiilongekidhila eteyo lya nkundipala monakuyiwa.



Edhiko lyomahangano gomikuli nogomaimangokumwe gaanafaalama

Okutunga po omaimangokumwe mokati koongunu dhaanafaalama aalumentu naakiintu, nenge mokati kaakiintu oyo ayeke, otashi vulu okukwathela momikalo odhindji. Oshiholelw, mokulongela kumwe nomokutula oonzo dhawo mumwe, aanafaalama otaya vulu okunawapaleka ompito yomalanditho gawo komahala gomalandithilo, eishilipaleko lyomikuli, nenge lyiiehelwamaliwa, nokukwathatahana mokudhewulathana muutekenika uupe wopaunafaalama. Okulongela kumwe otashi ti wo kutya, ongundu otayi kala newi lya kola shi vulithe kehe gumwe ta longo oye ayeke.



<https://goo.gl/Do9WYu>

Okulundulula ethimbo lyokukuna nolyokuteya

Uuna omathimbo gokuloka kwomvula ga lunduluka, aanafaalama oye na okukutha po shimwe, ongele okukuna oombuto dhawo kwa toka, nenge okutameka okulongekidha omapya gawo kuye, shi vulithe shito, opo ya pyakudhukilwe okuloka kwomvula kwokuyele.

Longitha omalyenge gomakwatathano

Elyenge lyomakwatathano ga kola pokati kaashiinda, kaakwanezimo, kookume nokiilyo yaakwashigwana olya simana pethimbo lyoluteni nenge lyefundja, uuna pu na ompumbwe yokutopolelathana iikulya, omeya noonzo dhlwe.

Namibia

Crop calendar (*major foodcrop)

Maize*



Millet* & Sorghum

Wheat*

Sowing



Growing



Harvesting



Source: FAO/GIEWS



<https://goo.gl/p1s8wi>

Einyanyudho – Uudhano pakutopolelathana wo CCA

Omukalo gwo-CCA nehulithopo lyiyetipo yiiponga odho omikalo ndhoka ominene dho odha nyengana – nopolomathimbo gamwe ohadhi ngwangwaneke noonkondo. Omathimbo gamwe engwangwano ndino ohali etelele omatumwalaka ganathangwa ngono haga tilitha aantu nenge haga etele aantu eziyalalo nenge eso. Omaiyuvo ngano kape na nando ogumwe meukililo haga kватhele okweeta po ekuthombinga nonkutu nenge okugandja uunongo mbokoa twa pumbwa okudhiladhila kombinga yiyyetwapo noonkambadhala dheigililemo.

Omapandja taga landula otaga gandja okanyangadhalwa okafupi hono to vulu okulongitha mosheetwaposhayo tashi opalele okweeta po ompito noonkundathana ndhono tadhi toto po oonkondo nuunongo nokweetha aakuthimbinga ya konakone omashongo gomalunduluko gonkalo yombepo. Opu na omikalo odhindji dha yooloka tadhi kwatele mo iinyangadhalwa mbino moku ya metitha ngaashi iigongii longa, iigongi yongundi nenge oongundi dhokwiilonga. Osheetwapo shoye osho shimwe shomitungitho ya simana momukalo nguno – onkene kutha ondunge ombwaanawa okuza kiinyangadhalwa mbino okutota po nokwaandjaganeka onkatu yeigililomo yeilongo!



**Elongekidho
lyotundi yoye** Longekidha otundi yoye nuukeka e to kwashilipaleke kombinga yelandulathano lyiyetwapo – yelekanitha omapekaeko golela notundi ya nuka po
Longekidha iinyangadhalwa tayi hokitha pethimbo lya shonopala mesiku (oshiholewa, konima yomwiha)
Kwashilipaleka kombinga yiinakugwanithwa niipewalonta
Longekidha ilongitho ayihe ya pumbwa moshigongii longa
Kwashilipaleka nkene oshigongii longatashi ka tulwa pamishangwa
Kala wi ilongekidha

**Egululo
netaambeko** Kala wa ndjangumukwa nokupyakudhukwa poshikando shimwe
Pulakena nawaa nokunonganona
Kwashilipaleka wu mone einekelo lyaakuthimbinga (shino kambadhala wu shi kale ke po)
Pitika aakuthimbinga ayehe yi ipopye/yi itotomone yo yene
Koneke omadhina gaakuthimbinga
Ninga nawaa aakuthimbinga shi thiike pamwe nonesimaneko

*Ontopolwa ndjika yomalolelo geilongo oyi ikolelela koshikalimo shehumokomeho lyehangano lyOmushigakano
Omutiligane nOsenda yElunduluko yEngoli Etiligane, noya longitha omapitkiло gawo. Tala ontopolwa yOmalunza
pepardja 15 omolwomauyelele gaampoka to vulu okumona uuyeletele owindji kombinga yomalolelo geilongo niiholelwa
oyindji weitulomo lyomaudhano.*



Efalomo lyotundi	Kala ngoye mwene – kehe gumwe oku na omukalo gwe gwokuwilika Kala wu shi mpoka wu li motundi nokwiikwatelela kopoloholama Kala pokati na ino eta mo omadhiladhilo goye mwene Shonopeka oonkundathana mpoka tashi vulika Tsa omuthindo oonkundathana mpono sha pumbiwa Longa naakuthimbinga ayehe onga aakuluntu Talela oonkundathana momaziminino nuufano nenge nuukalata Kwashilipaleka kutya aakuthimbinga ayehe oya zimina ngele oshizemo osha kundathanwa Ino pula omapulo ga pata Uuna wa adhika komashongo motundi – pula ondungu yi tale konima nokuninga etokolo (oshiholelwa: kapu na ethimbo lya gwana: natu pate kwa tika nenge natu nuke po ontopolwa mopoloholama?)
Ompito ye eguluka	Nayi kale taiy topolelathana, taiy hokitha nomikalo omiwanawa Tsa omukumo eilongo pokati kaashiinda noowino dha topolelathana Kotokela elaka nomagumbo gomithigululwakalo Tsa omukumo etopolelathano lyowino nomadhiladhilo mumudhingoloko gwa gamwenwa
Lwahugunina	Taleni shoka sha popiwa motundi Pendula shoka sha enda nawa MANGA inoo pekapeka shono tashi vulu okweendululwa Yeletwa kombinga yokomongula noonkatu tadhi landula Gandja ethimbo lya yela niinakugwanithwa yoonkatu (ngele otashi vulika)
Konima yoshigongiilo nga	Taleleni mongundu: oshike sha li oshiwanawa – oshike shaa li oshiwanawa – oshike tashi vulu okuokwoopalekwa oshikando tashi landula? Talela uunongo woye wokuwilika: pendula shoka she ende nawa, dhiladhila kombinga yaashono wa hala okukambadhala oshikando tashi landula sha yooloka Tula onkatu yeilongo lyoye pamishangwa

ETHIMBO LYONKALO YOMBEPO pakutala

Mokaudhano hano, omudhani kehe omunafaalama gwiimuna. Elalakano okutala nkene omunafaalama kehe ta vulu okulundulula omatokolo guunafaalama we shi ikwatelela komathimbo gonkalo yombepo. Pehulilo lyuudhano, aakuthimbinga naya uve ko elongitho nomangambeko goonkalombepo ndhika, nonkene oonkalombepo ndhika tadhi vulu okulundulula omatokolo goonkalamwenyo dhawo.

Awiliki: 1

Ethimbo lyokudhana: 45 ominute +

Efalomo

1. Longekidha ehala
2. Gandja omakunde gatano (5) kukehe omukuthimbinga (omunafaalama)
3. Tula po ethimbo lyonkalo yombepo (shi ikwatelela kungoye, shi tseyitha nege wu shi nyole koshopelende opo kehe gumwe e shi mone)
4. Ongundu yaanafaalama shi ikwatelela kondungempungulilo yawo
5. Dhingolokitha ekalata wu mone onkalo yombepo yo yene
6. Omunafaalama ota futu nenge ta futwashi ikwatelela kondunge yompungulilo ye (Tala mba ya wini nenge mba ya dhengwa mokampungu kefo tali landula)
7. Endulula oonomola 3-6
8. Gwedha mo uukalata wa shewa pamalupita opo iinima yi kale tayi hokitha
9. Dhana sigo aadhani owala aashona ye na omakunde ga hupu po
10. Hulitha okaudhano
11. Italeleni konima



iinima wu na okukoneka nokungonga

- Ngonga ehokololo po wu ninge oshikalimo shi na oshilonga kaadhani yoye (tala oshiholelwya kefo).
- Elago otali dhana onkandangala mokumona oshizemo nomudhani kehe ota pumbwa a dhane shi ikwatelela kontseyo ye ndjoka e na yuuvalelwamo.
- Kala wu na okutsi kwa patulukila omalombwelo nomatumwalaka ngono ga nika oshiponga, inaga opala nokage li mondjila. Longitha omalombwelo ngano onga ompito yokutaalela iiningwanima mbyoka yi na oshilonga.
- Osha simana wu kale wa koneke kutya okaudhano oka tali ka ko okapu, nonkalamwenyo yashili oyo ondhigu unene/ya tompakana niiningwanima mbyoka tayi kwata ko okuninga omatokolo.
- Ongushu yashili yokaudhano otayi siilile uuna ngele we ka kwatakanitha niiningwanima yonkalamwenyo, onkene pethimbo lyokutalela osha simana okukundathana nokuungaunga ekwatathano pokati kokaudhano niikalekipo nosho wo omakankameno giiningwanima yuunafaalama.'

lilongitho



Okudhingolola to dhenge
kiitenda ko mbyoka
ihaayi kuthwa ko



Omakunde ga-5
komudhani kehe



3 uunyothi wu li kuuti
wa kalela po oopolesa
dhekwashilipaleko

kuninga okaudhano ken a oshilonga pashitopolwa

Ngonga okaudhano momukalo kehe tashi vulika ka kale ke na oshilonga nelalakano mosikalimo shoka wu li.

Ukililatha ehokololo

Aanafaalamo otaa vulu okumuna kehe shimwe ngaashi oonzi, iilya nenge oongombe.



Peha lyokwiipula nelunduluko lyonkalo yombepo wi ikwatelela koshikukuta nenge komuloka, oto vulu okwiikolelala kuyo manga kuyele nenge konima pokwenye nenge pethimbo lyomvula.

*Oshikukuta ohayi lunduluka
omvula yosikungulu*



*omvula ya loko kuye -
ohayi lunduluka – omvula ya
loko kwa toka/lata*



Ngonga omukalo gwokaudhano

Oto vulu wo okungonga omukalo gwokaudhano. Oshiholelwaa, oto vulu okuukililitha nkene aantu haa mono nenge haa kanitha omakunde (tala oshiholelwaa pevi) opo wu endeletithe nenge wu shunithe monima okaudhano, opo wu tote po oondondo dha yooloka dhengwangwano nepiyagano.

Okupungula shi ikwatelela nonkalo yombepo	Ngele onkalo yombepo oya kukuta yi vule shito	Ngele onkalo yombepo ya nika uututo yi vule shito
Ilongekidhila oshikukuta *ekunde limwe mompungulilo* <i>Pungula miikulya ya gwana, kwashilipaleka kutya oondondo dhomeya otadhi longo.</i>	Galulilwa ekunde limwe (nando owe li tatula) <i>limuna yi na omvanya tayi koko, ashike kape na sha shoka tashi winwa. To mono ondando yokupungula ashike kapu na iihohelda.</i>	Ino galulilwa nande ekunde (ekanitho eshona) <i>likulya oyindji ya ninga nayi, wa kanitha oompito dhimwe odhindji.</i>
Ilongekidhila omuloka omunene *ekunde limwe mompungulilo* <i>Pungula nokukokeka iiikulya oyindji yiimuna.</i>	To kanitha omakunde gaali (gandja ekunde limwe ishewe kompungulilo: ekanitho enene) <i>Kapu na iiikulya ya koka, iimuna otayi si.</i>	Wa galulilwa omakunde gaali (ewino enene) <i>likulya oyindji yo oya gwana otashi ti iimuna oyindji tayi kala po nokukoka.</i>

OKUFUTILA OMATENGENEKO pakutala

Pethimbo lyokaudhano hano aadhani oya taalela omashongo gelunduluko lyonkalo yombepo, oye na okuninga omatokolo gopaumwene nopaungunu opo yi ilongekidhile omashongo naka, na oye na okulonga niizemo yomatokolo gawo. Sha simana aadhani oye na okumona ongushu monkalo yombepo mokukwathela ya ninge omatokolo gawo.

Aawiliki: gumwe (e na ontseyo yi li pombanda)

Ethimbo lyokudhana: ominate 45 – owlili yimwe





Omukalo

1. Aadhani taa tulwa mongunu yayatatu. Gandja okadeisa okatokele koombinga hamano komudhani kehe, nomongunu kehe gandja mo okadeisa koombinga hamano kolwaala nokakopi kopulastika.
2. Hokolola omatumbulo ganathangwa taga landula nuukeka e to dhana iikando wu gandje iiholesila kuyo:
 - a) **Onkatu 1 – Efundja otali monika ngini?** Oongundu tadhi umbu uudeisa komvula yopashitopolwa (ashike navu kale wa holeka kohi yokakopi), ye kehe gumwe tu umbu pamukunda okadeisa komvula. Opi ihe kehe ongundu tayi yelutha okakopi ya siikulue okadeisa komvula yopashitopolwa. Aadhan ayehet otaa gwedha kumwe iitsa yopashikandjo yopashitopolwa oyo yam one efundja lyopashitopolwa. Dhana osihikando shotango ngaashi neyika.
 - b) **Onkatu 2 – Efundja oto li ilongekidhile ngini?** Pa omudhani kehe omakunde omulongo, ya lombwela kutya shino otashi vulu okulongithwa nokwilongekidhila efundja, nenge okufutila ekwatho lyiiponga. Kapu na omakunde taga taambathawha nenge taga thigululwathana. Ngela aadhani oya mana po omakunde ya pa emanya etiligan ya kalelo po aantu miipoga, ashike naa tsikila nokudhana. Dhana omalweetho 2 ngaashi neyika, e to shunitha omakunde agehe kaadhan.
3. Gandja omukalo gwomakumagidho kuyele. Ninga omangeshefelo shi ikwatelela komutamaneki gwopobanda, gaandja uukopi hawu imonikila pokati koongunu. Mule wokaudhano akehe, uukopi mbuno otawu gaandja kaadhan oho yam one omvula yopashitopolwa manga inaa ninga omatokolo geilongekidho lyefundja.
4. Tameka okaudhano nawa. Dhana omalweetho ga-6 shi ikwatelela koonkata ndhi:
 - a) Oongundu tadhi umbu uudeisa wopashitopolwa. Oongundu dhuukopi hawu monikila otaa mono ompatolona yomvula yopashitopolwa, oongundu ndhi dhi na uukopi wulwe itaye shi mrono.
 - b) Oongundu nadhi kundathane omailongekidho gefudnja. Mbono yah ala okwilongekidhila efundja naa thikame e taa gandja ekunde limwe komuwiliki.
 - c) Aadhanayu umbe okadeisa kopashitopolwa.
 - d) Aadhanayuukopi mbu uhawu imonikila, naa holole omvula yopashitopolwa.
 - e) Potokonona olweetho (tala oshifatila kepandja tali landula).
5. Olweetho 7: hokolola onkalo yombepo tayi lunduluka.
 - a) Pingakanitha uudeisa woombinga hamano womvula yopashitopolwa nuudeisa woombinga 8 ya humithe komeho oompito dhefundja. Kambahdhalo wu shi ninge meholamo.
6. Dhana omwalweetho 3 nokadeisa koombinga 8, e to hulitha okaudhano
7. Mona omuntu ngoka a sindana noongundu ndho dha sindana.
8. Fatulula (tala kepandja ndyoka tali ulike omapulo ngele otashi vulika).




Omudhani kehe



Ongundu kehe (aantu yatatu)



Pakwalukehe



Eilongekidhilo lyefundja nekwathelo lyiponga

	EFUNDJA <i>(okaideisa komvula kopashitopolwa + okadeisa komvula kopashikandjohogololo -10)</i>	KAPU NA OMVULA <i>(okadeisa komvula kopashitopolwa + okadeisa komvula kopashikandjohogololo - 10)</i>
IILONGEKIDHILWA <i>(futa ekunde 1 manga olweetho inaaluu ya)</i>	To dhana, kapu na ekwathelo lyiponga lya pumbiwa.	Wi ilongekidha monanguwi, ashike kapu na shisha holoka po.
INO ILONGEKIDHA	Wa futa omakunde ga-4 mekwathelo lyiponga.	Kapu na shoka sha ningwa po.

Aasindani



Omapulo gokwiitalulula

- Owi ilongo mo shike mokaudhano hano?
- Ontseyo ndjino oy ikwatelela konkalamwenyo yoye?
- Oshike sha ningwa po sho twa hokolola kombinga yelunduluko lyonkalo yombepo?
- Oto dhiladhila kutya shino osha li sha kalela po elunduluko lyonkalo yombepo?
- Gndja oshiholelwa wa mono mokaudhano haka.

OLWEENDO LWOSHIHAKANWA pakutala

Omukalo moka aantu, omagumbo nomikunda ya yooloka pankalathano ohashi holola nkene aantu haa ningwa iihakanwa moka ya tulwa – mumwe noonkalolupe osho wo shaa li pankalo yombepo – nohashi tula uukwatya woonkondo dhawo okuyamukula nokwiigilila omaudhigu ngoka. Euveko lyomayooloko gopankalathano ngano pakuninga oshihakanwa osha simana okukalela po eiginilo lyonkambadhala yokukalela po esindano, nokukwathela aanaamukunda ya popithe omaudhigu ngono ya taalela kaape na okuningilila mo oonkalamwenyo dhawo nenge ethindilomo lyopwaa na uuthikepamwe. Okaudhano hano otaka kwaathele okupeka uukwaanethikopamwe wa yooloka mbono wu li mokati kaanamikunda nokutalela nkene ye na okwiigilila oonkambadhala dhokupipitha iinima mbika.

Omukalo

1. Yoolola aanyandi taa opalele olweetho nduka mwa kwatelwa omayooloko ogendi gopankalathano ngono ge li moshitopolwa shoye. (ngaashi uukashikekookantu, ongundu, oludhi, omuhoko, uulema, pamukunda nopandoolopa nomokati komikunda).
2. Ngonga omapulo taga opalele olweetho (10 nge ge vule po) ngono taga eta omayamukulo Eeno nenge Aawe, okuziilila kaanyandi shi ikwatelela komayooloko gopankalathano nga.
3. Gandja oshinyandwa komukuthimbinga kehe nokuya pula ya tule uunyandi wawo meimweneneno sigo okehulilo lyokaudhano.
4. Aakuthimbinga naathikame momukwyeo gu ukilila pu na ehala lya gwana oku uka komeho.
5. Pula kehe epulo. Ngele omunyandi okwa yamukula ‘eeno’, otayi onktu yimwe komeho. Ngele omunyandi okwa yamukula ‘ahawe’, nakale pehala lye.
6. Hulitha okaudhano uuna omapulo agehe ga pulwa.
7. Fatulula okaudhano to longitha omapulo ngaashi ngaka:
 1. Omolwashike wa li to vulu nenge itoo vulu okuya komeho?
 2. Owa li wu uvite ngiini show a yi komeho?
 3. Aalumentu oye li peni? Aakiintu oye li peni? Aathigona oye li peni? Aakulupe oye li peni? Agundjuka oye li peni?
 4. Shino otashi tu lombwele kombinga yashike pakuninga oshihakanwa?
 5. Iizemo yashike moshilongadhalwa shika mokutula po oonkambadhala?
 6. Otatu lundulula ngiini onkalo yokuningwa oshihakanwa?

Aawiliki: 1


Omwaalu gwaadhani: 2 – oyendji

Ethimbo lyokudhana: ominate 20 +

lilongitho



Omusholondondo gwotekisti
yomaukwatya taga opale



Uutetela uushona
woombapila (kamwe
komunyandi kehe)



EENO ? AAWE

Omusholondondo gwotekisti
taua opale
Omapulo gaEeno/Aawe

Ehala enene lya gwanena
aantu opo ya vule
okwiinyenge
(meni nenge pondje)

ETHIGATHANO LYUUNAFAALAMA *pakutala*

Omukalo ngono aantu haa longo nokwiigilila omashongo oshi ikwatelela kwaashono ye na nethimbo ndyono taa vulu okukutha onkatu. Ngele uudhigu woshiningwanima owa geye, ashike ethimbo lyokukatuka olya ninga limwe, omaupyakadhi ohage ya po, omalimbililo ohaga ningi ogendji nahugunina, iinima ohayi teka po. Ethigathano lyuunafaalamo olyo edhewo ndyono tali vulu okulongithwa okupekapeka uudhigu niyetithi oyindji momalimbililo goshinima.

Aawiliki: 1

Omwaalu gwaadhan: 10-50

Ethimbo lyokudhana: oominute 10-15

Omukalo

1. Gongela kehe gumwe mongonga, nangoye mwene wa kwatelwa mo. Hokolola oshikalimo shokaudhano, to shi ningi shi na oshilonga mehala moka ho longele.
2. Hokolola okatanga kotango, fatulula kutya okatanga hano oka thikamena po iidhanomwa mbyoka aadhani taa vulu okuwilikila kumwe. Aadhani nay u umbe okatanga taka dhingoloka mongonga, inaka kalekwa mombanda itaaka gwile pevi ko inaka kakatela miikaha yomuntu uule wu vulithe poseekonde mbali (2). Okatanga ngele oka gwile pevi, omudhani ne ka toole po e te ku umbile mombanda uudhano wu tsikile.
3. Pa aadhani ompito ya konge omuzimino, uuna ya zi mongonga.
4. Pampito kehe oto vulu okuhwedha mo okaudhano wu londodhe aadhani kombinga yokatanga okapi take ya, nangoye oto vulu wo wu ya haluthe nokatanga uuna manga taa dhana.
5. Tsikila nokugwedha mo uutanga muudhano nasigo tashi ningi embwindakanitho moka utanga tawu gwile pevi olundji:
 1. Owa li wu uvite ngiini monkatu yotango yuudhano?
 2. Pukuyelekanitha, owa li wu uvute ngiini sho uutanga wa yooloka wa li mongonga?
 3. Sho wa mono kutya kasha li tashi vulika opo wu kaleke uutanga awuhe waa gwile pevi, nangoye nenge nongundu yoyw omwe dhi ende ngiini opo mu yoolole uutanga mbono mwa tula oonkondo opo mu wu kwate?
 4. Esimano lyashike (oshiviha, olwaala, olupe) lwa dhana onkandangala mokuninga etokolo ndino?

lilongithwa

*Uutanga wa
yooloka upu waa
na oshiviha. Ngele
osha simana
montopolwa yeni
oto ulu okulongitha
uutanga wiiviha ya
yooloka wu
thikamene po
eyooloko pokati
kongushu
nomithika
dhuudhano.*



*Ehala enene lya gwanena opo aantu
ya vule okwiinyenga (meni nopondje)*

*Manga inoo dhana, tala ngele aadhani ayehe
oya manguluka nokudhaadhwga noshinima.
Pula mboka inaaya manguluka ya ye kondje
yokapale yo ya tale ashike uudhano.*

OMALUNZA

Davies, J. 2017. Iilanduli yelunduluko lyonkalo yombepo nelundululo muumbangalantu wopokati moNamibia. Eyelithilo lyuuyeletele wa-ASSAR. Tali adhika ko-online: [mOshiingilisa](https://goo.gl/VXRDHm) (<https://goo.gl/VXRDHm>); [Oshiwambo](https://goo.gl/b6P6vF) (<https://goo.gl/b6P6vF>).

Desert Research Foundation of Namibia. 2013. IWRM community training manual. Windhoek, Namibia.

Koelle, Bettina. 2014. Serious Fun - Facilitating interactive games for adaptation and disaster risk reduction. 2014. Published by the Red Cross Red Crescent Climate Centre Second edition, Cape Town. Tali monika ko-online: <http://www.climatecentre.org/downloads/files/RCCC-Facilitation%20cards%202014.pdf>

Uuministili wOmudhingoloko nOmatalelopo. 2011. Natu igilileni okutaambako: Uuyeletele waakwashigwana welunduluko lyonkalo yombepo niilanduli yomiitopolwa yaNamibia.

Kombinga yaASSAR

ASSAR oha longitha uuyelele okuzilila miiyelekithindjele yopendji, nomiilonga yopaukumwe, opo a nawapaleke okuuva ko iikayt, iinkondopaleke/iivilithi niyiimbi, mokulonga nawa metsiko nomeyandjaganeko lyelunduko lyondjiigilile yelunduluko lyonkalo yombepo okuya komimvo 2030. Mokulonga miiilongo iheyali yaAfrica, noyokOlundume lwaAsia, oongundu dhaapekapeki dho-ASSAR dhopaitopolwa, otadhi faathanitha omalunduluko ngoka guypyu wopombanda taga thiminikwa kiinima yomonkalamwenyo nomudhingoloko, nnashoka tashi monika, po, elongitho lyasho nokekwatekekonawa lyevi nolyomeya. Shimwe shomongundu yiinima ine koshi yElongelokumwe lyEpekapeko lyOndjigilile lyOpaunyakwa muAfrica nomuAsia (CARIAA), ASSAR okwe eta po uunongo uupe welunduluko lyonkalo yombepo, mbono tawu tongolola nokumwetha mo omilandu netulomiilonga lyadho, mokulundulula omukalo gwelungeelokumwe lyaapekapeki naanawino.



This work was carried out under the Collaborative Adaptation Research Initiative in Africa and Asia (CARIAA), with financial support from the UK Government's Department for International Development (DfID) and the International Development Research Centre (IDRC), Canada. The views expressed in this work are those of the creators and do not necessarily represent those of DfID and IDRC or its Board of Governors.

Creative Commons License

This booklet is licensed under a Creative Commons Attribution-NonCommercial-ShareAlike 4.0 International License. Articles appearing in this publication may be freely quoted and reproduced provided that i) the source is acknowledged, ii) the material is not used for commercial purposes and iii) any adaptations of the material are distributed under the same license. © 2017 International Development Research Centre Layout: Tali Hoffman. Translation: Ester Nangolo. Photos: Julia Davies, Sophie Lashford © Photographers

